

Lungu - Abahasi Ebyandiiko - Wives Scriptures

AbEefeso 5:22-24 Abahasi, ticheenge abasaacha b'eng'we koti lumwahatya Omwaami. 23 Olwohuba omusaacha niye omutwe kw'omuhasi koti lu Kristo ali omutwe kw'abafukiiriri, abali omubiri kuae, nae omweene ali Omuwonia waabwe. 24 Koti lu bafukiiriri batya Kristo, nilwo lu bahasi bosi baba batye mu buli ngeri yoosi, abasaacha baabwe.

AbEefeso 5:31,33 "Mani hulw'esifune sino, omusaacha achia ohulehaanga simwaana nende ng'ina, mani amala aambanisibwa nende omuhasi wae, mani bombi bamala baba omubiri mulala." 33 nae kata katyo, lehe buli mulala hweeng'we adahenge omuhasi wae koti luyedaha omweene, handi lehe omuhasi abonenge ati atya omusaacha wae.

1 AbaKoliiti Yitaangira 7:3-5 Omusaacha ahoyeere ohwoseresa omulimo kuae koti omusaacha eyiri omuhasi wae handi nilwo nasilala nilwo lu muhasi ahoyeere ohwoseresa omulimo kuae koti omuhasi eyiri omusaacha wae. 4 Olwohuba omuhasi haba siniye ofuka omubiri kuae omweene, nae omusaacha niye okufuka; handi nilwo nasilala, lu musaacha, atafuka omubiri kuae omweene, nae omuhasi niye okufuka. 5 Abadehisania, mutahayanaanga abeene-na-beene daawe, ohutusaho awundi abeene nimufukiirisaanie hulw'esiha esidiidi, hu munyale abeene ohunyoola esiha sy'ohwekongooya; nae nimumalire, mukobolaneengeho alala handi, ataali awo, Sitaani anyala ohubahema olwohutaba nende amaani k'ohwefuka abeene.

1 AbaKoliiti Yitaangira 7:34 Nae omuhasi oba omuhaana oba natadeha, abaawo niyelalihirira ebiindu bidiira hu Mwaami byong'ene, koti nga Iwanyala yaaba naali omwolerefu mu mubiri nende mu mwooyo; nae omuhasi oba niyadeha, abaawo niyelalihirira ebiindu bidiira hu syaalo huno byong'ene, koti nga Iwanaanyale ohusangaasa omusaacha wae wamudeehya.

AbaKolosayi 3:18 Abahasi, muticheenge abasaacha beeng'we, koti lusiri nisyo esihoyerabali mu Mwaami.

1 Timoteo Yitaangira 2:11-15 Lehe omuhasi atekereeseenge enjekesa nawuleerere nalongoyaale. 12 Sifukiirira omuhasi yeesi ohweekesa oba ohuba nende obunyala bwoosi hu musaacha. Ahoyere ohuwuleera. 13 Olwohuba Adamu niye owataangira ohuloongwa, hubaloondiaho Efa. 14 Handi Adamu siniye owabachiriswa, nae omuhasi niye owabachiriswa, mani yehola omuhalaki w'amalako. 15 Kata katyo, omuhasi achia ohuwonisibwa ohubitira muhwibula abana, niyomiirira mu fukiirira, nende mu hudaha, nende mu bwolerefu alala nende ohweliinda bulai.

Huchaaka 3:16 - 1 Ebbarwa ya Peetero Yitaangira 3:1-6 Mu ngeri nasilala,

eng'we abahasi badeeha muwulireenge abasaacha beeng'we, hu mani naalimo mwaabo abatafukiirira emboosi ya Nasae, esaambo ndayi ch'abahasi baabwe chinyale ohubahola baaba abafukiiriri. 2 Olwohuba bacha ohubona esaambo chaabwe koti lu chiri enyirifu handi echiiisamo oluyaali. 3 Obulai bweeng'we buhaye ohuba obweema hu biindu by'ohumukulu koti, engeri yi mwesuukamo efwiiiri, ova emigasa ch'engaanga yaakulu chimwesyaaya, ova engubo chengaanga yaakulu chimwefwaala. 4 Ohutusaho obulayi bweeng'we buhoyeere ohutula mu bwadyeri buli mu myooyo cheeng'we, obulayi butasangulwa bw'omwooyo muloonga, handi omuyenjeefu, okuli nende engaanga yaakulu muno mu moni wa Nasae. 5 Olwohuba yino niyo engira yi bahasi boolerefu, abesikanga Nasae mu ndaalo chabita baholaanga hu bulamu bwaabwe bwaaba obulayi, handi bawuliraanga abasaacha baabwe. 6 Olwo nilwo koti lu Saara yawulira Yibbulaimu mani yamulaanga ati omwaami. Handi muli abaana bae nimuhola ebilungifu nimutaali nende ohutya esiindu syoosi.

Tiito 2:1-5 Nae ewe, ohoyeere ohweekesa ebifukiirisania nende enjekesa yadyeeri. 2 Yekesa abasaacha bahuluundu bahaye ohuba abameesi, babe ab'amakesi, babe ab'efukiirira ndayi, abohudaha hulai, handi abesimiirisa. 3 Mu ngeri nasilala eyo, yekesa abahasi bahuluundu bebise koti abahasi bali nende obulamu bwolerefu bahoyer. Bahae ohuba abamoonyi ova abameesi. Bahoyeere ohwekesanga ebiholwa bilai, 4 hu banyale ohweekesa abahasi baraaga ohudahaanga abasaacha baabwe nende abaana baabwe, 5 ohuba abeliinda, abataaliho esibi, handi ohuba abahasi b'omudaala abalai bawulira abasaacha baabwe, hwabuleo omuundu yeesi ochia ohulomaloma bubi hu Mboosi yitula eyiri Nasae.

1 AbaKoliiti Yitaangira 11:5-7,10 Nae omuhasi yeesi niyekongooya Nasae ova nayaala emboosi ya Nasae natabwiihire omutwe kuae, aaba aswaasa omusaacha wae--siri nasilala naaba nabekere omutwe kuae. 6 Olwohuba omuhasi natebwiiha omutwe, mani ahoyere ohubekaho efwiiiri lyae; nae nisiba nisiswaasa omuhasi ohuhendeesaho ova ohubekaho efwiiiri, lehe yebwiihe omutwe. 7 Olwohuba omusaacha sahoyeere ohubwiiha omutwe kuae, olwohuba niye esifwaanani handi oluyaali Iwa Nasae; nae omuhasi niye oluyaali Iw'omusaacha. 10 Esyo nisyo esikera omuhasi yahoyeera ohuba nende esitaambaya hu mutwe kuae, hulwa bamalaika.

Ngaado 12:4; 14:1; 19:13; 21:9,19; 25:24; & 27:15,16 - contentious & angry Abahasi

Ngaado 31:10-31 - The Virtuous Abahasi